

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3333 del 11/11/2025

Vil de toalnemmer en de trèffen: derno as de runt guat gòngen sai' en vouder jorschual, de trentinische studentn as toalnemmen en 2025/2026 sai' mear abia tausntzboahundert

"Der Euregio trèfft de schualn", s vonk u' der tour en Trentin

[Mòcheno] S vongen bider u' de trèffen "Der Euregio trèfft de schualn" en Trentin ver en jorschual 2025/2026. Der tour za learnen ist embiart as de secksa van òlderhaileng Òllgamoaschual Trea't 7 - Zbaite Schual va earste grat Savino Pedrolli va Gardolo ont bart enviregea' en òll pfinsta finz as s rift s schualjor, en mearer eirter va de provinz. De naieket, as billt lònng glaimer kennen de Europeische Region direkt en klass, hòt tsechen an boom va lait inntschrim ver s schualjor 2025-2026, gèltsgott aa en de nai'n òrbetbèrkn, gamòcht zòmm pet en Schualdinst va de PAT. "De schualn sai' oa'n van ingern bichtestn partner ont, abia men sicht van numer, de nemmen u' pet gilt de ingern naieketn aus de grenzn. Ber gadònken òlla de learer ver za sai' euroregional bourttroger ver òlla de piabler ont de diarndler va de inger provinz", hòt kein de Elisa Bertò, dersteller ver en Trentin en iberòll Kanzlai' van Euregio.

S hòt gahòt asou vil vrong za schraim se inn as s ist kemmen sperrt de onlineinnschraib vifzen to vouraus van rifto as baret gaben as de 15 van schanmikeal. De datn lònng sechen as hòt enterèss: der projekt hòtetinn a kèr au a kèr o 30 schualn, en gònzn 47 trèffen. S doi billt song as mòchen toal 72 klassn ungefèr 1200 kinder ont studentn en doi schualjor. De naiekait bart pòcken bòlten lait, pet de schual: van earstnschualn finz en de zbaiteschualn (licei, technike ont òrbetnschualn).

De learvourtschbinn van projekt, gem a'ne kostn van u'stelltn van GECT Euregio, tuat se vourstelln vernaiert ont gip mearera interaktive tematische naikaitn. De òrbetn, as ungefer zboa-drai schualstunnen dauern, tschbinnen vour an multimedial vourstell, klöffmomentn, gruppnòrbetn ont onlinespiln ver za verstea' biavle as men u'ganommen hòt. Pesser tsòk, de klassn kemmen en gruppn toalt ver za òrbetn no en temen abia "A roas za kennen der Euregio - bou as ber sai', va bou as ber kemmen", "De erkennkòrt van Euregio - ber as ber sai'", ont verstea' "Bos as ens u'henk ont en bos as ber ònderst sai' - ònderst ober asou endlech!". S kemmen vertiavert de temen abia "De zòmmòrbet aus de grenz - Bos as ber tea' ont avai?", paispiln va Euregio projektn, de sprochen ont de sprochminderhaitn, ont der workshop va Projekt Management Euregio.

En doi vurm, de schualer ont studentn, pfiart va auskennlait ont van aigenen learer, barn en an spilrvurm bichtega sòchen u'nemmen iber en de gschicht van drai lender ont van pau va de Europeische Gruppe va lòntzòmmòrbet Euregio Tirol-Sudtirol-Trentin, bail en ring va zivil ont en de stòttkear lear.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)